



აკადემიური საბჭოს  
დადგენილება № 06-01/50

ბსუ-ს 2024-2025 სასწავლო წლის აკადემიური კალენდრის დამტკიცების შესახებ

„უმაღლესი განათლების შესახებ“ საქართველოს კანონის 21-ე მუხლის 1-ლი პუნქტის, ბსუ-ს წესდების მე-8 მუხლის მე-4 პუნქტის, ბსუ-ს აკადემიური საბჭოს 2015 წლის 08 ოქტომბრის №111 დადგენილებით დამტკიცებული „სასწავლო პროცესის მარეგულირებელი წესის“ საფუძველზე, აკადემიურმა საბჭომ

დაადგინა:

1. 2024-2025 სასწავლო წელს ბსუ-ს სასწავლო პროცესი (ლექციები/ჯგუფში მუშაობა/სემინარები/ლაბორატორიული სამუშაო) საბაკალავრო, საბაკალავრო-სამაგისტრო, ერთსაფეხურიან, სამაგისტრო და სადოქტორო საგანმანათლებლო პროგრამებზე (გარდა ინგლისურენოვანი საგანმანათლებლო პროგრამისა) წარიმართოს (აკადემიური კალენდარი განისაზღვროს) შემდეგ ვადებში:

1.1. შემოდგომის სემესტრში:

ა) სასწავლო პროცესი დაიწყოს 2024 წლის 23 სექტემბერს და დასრულდეს 2025 წლის 11 იანვარს;

ბ) სტუდენტთა აკადემიური რეგისტრაცია ან/და ცვლილებების შეტანა (სასწავლო კურსების რეგისტრაცია/არჩევა) დასრულდეს 2024 წლის 15 სექტემბერს (გარე მობილობით ჩარიცხული სტუდენტების, ასევე პირადი განცხადების საფუძველზე სტატუსშეჩერებული ბსუ-ს სტუდენტების (რომლებიც 2024-25 სასწ. წლის შემოდგომის სემესტრიდან დაბრუნდებიან სასწავლო პროცესში) აკადემიური რეგისტრაცია განხორციელდეს 2024 წლის 23 სექტემბრიდან 15 დღის ვადაში - 2024 წლის 07 ოქტომბრის ჩათვლით;

გ) საშობაო არდადეგები - 2024 წლის 30 დეკემბრიდან 2025 წლის 8 იანვრამდე;

დ) ძირითადი გამოცდები - 2025 წლის 13 იანვრიდან 1 თებერვლის ჩათვლით, ხოლო დამატებითი გამოცდები - 2025 წლის 3 თებერვლიდან 8 თებერვლის ჩათვლით.

1.2. გაზაფხულის სემესტრში:

ა) სასწავლო პროცესი დაიწყოს 2025 წლის 4 მარტს და დასრულდეს 2025 წლის 14 ივნისს;

ბ) სტუდენტთა აკადემიური რეგისტრაცია ან/და ცვლილებების შეტანა დასრულდეს 2025 წლის 22 თებერვალს (გარე მობილობით ჩარიცხული სტუდენტების, ასევე პირადი განცხადების საფუძველზე სტატუსშეჩერებული ბსუ-ს სტუდენტების (რომლებიც 2024-25

სასწ. წლის გაზაფხულის სემესტრიდან დაბრუნდებიან სასწავლო პროცესში) აკადემიური რეგისტრაცია განხორციელდეს 2025 წლის 04 მარტიდან 15 დღის ვადაში;

გ) ძირითადი გამოცდები - 2025 წლის 16 ივნისიდან 5 ივლისის ჩათვლით, ხოლო დამატებითი გამოცდები - 2025 წლის 7 ივლისიდან 12 ივლისის ჩათვლით;

დ) კურსდამთავრებულთათვის კვალიფიკაციის მინიჭება - 2025 წლის 14 ივლისიდან 26 ივლისის ჩათვლით;

2. სასწავლო პროცესი (ლექციები/ჯგუფში მუშაობა/სემინარები/ ლაბორატორიული სამუშაო) ჩატარდეს ყოველ დღე, გარდა შაბათ-კვირისა (საჭიროების შემთხვევაში დასაშვებია ამ მიზნით შაბათის გამოყენება), ფაკულტეტზე შემუშავებული სასწავლო ცხრილების შესაბამისად. აკადემიური საათი განისაზღვრება 50 წუთით, ხოლო მეცადინეობათა შორის შუალედი/შესვენება - 10 წუთით.

3. წინამდებარე დადგენილებით განსაზღვრულ 2024-2025 სასწავლო წლის აკადემიურ კალენდარში ცვლილებების საჭიროების შემთხვევაში შესაბამისი სამართლებრივი აქტი გამოიცეს ბსუ-ს რექტორის მიერ.

4. სასწავლო პროცესის დეპარტამენტმა უზრუნველყოს 2024-2025 სასწავლო წლის აკადემიური კალენდრის (თანდართული უქმე დღეების ჩამონათვალით) ცხრილის შედგენა და ბსუ-ს ვებგვერდზე განთავსებისათვის ბსუ-ს საინფორმაციო ტექნოლოგიების სამსახურისათვის წარდგენა.

5. დადგენილება საჯარო გაცნობისათვის განთავსდეს ბსუ-ს საქმისწარმოების სამსახურთან (კანცელარიასთან) და ფაკულტეტების დეკანების ოფისებთან თვალსაჩინო ადგილებზე, ბსუ-ს პორტალზე, ბსუ-ს ვებგვერდსა და ოფიციალურ ფეისბუქ-გვერდზე, ასევე სახელმძღვანელოდ დაეგზავნოს ბსუ-ს ყველა სტრუქტურულ ერთეულს და მართვის ორგანოს.

6. დადგენილება ამოქმედდეს ხელმოწერისთანავე.

7. დადგენილება შეიძლება გასაჩივრდეს მისი გამოცემიდან ერთი თვის ვადაში ბათუმის საქალაქო სასამართლოში (ქ. ბათუმი, სტეფანე ჭავჭავაძის №30).

აკადემიური საბჭოს თავმჯდომარე,  
რექტორი, პროფესორი



მერაბ ხალვაში